



۱۹ جمادی الاخره

اعتقاد لری

۱۳ مایس

بازار ایرتسی کونلری نشر اولتور اسبوعی اسلام جریده سیدر .

لوزان ملاقاتی

اقدام غزتہ سنک ۵۸۳۱ نومرولی نسخہ سیلہ
انتشار ایدن لوزان ملاقاتی آرز قالدی اونودہ .
جقدم . حالبوکہ سحر سوزلری حاوی بولنان
بوملاقات اونودیله جق ، یودیله جق شیلردن دکلدر .
اذہان صافیہ اسلامیہ بی تأثیرات سحرانہ .
سندن قور تارمق ایچون خواص تأثیرہ سنی
قلملہ ابطالہ چالشمق ، اسانلہ معوذتین اوقومق
قلمداران اهل اسلامہ ، سخن کویان ارباب
ایمانہ واجب الایفا بروطفہ دینیہ در .
لوزانده بر آمریقالی ایله وقوع بولان بو
ملاقاتده دینلیورک : ملت اسلامیہ ودولت عثمانیہ نیک
طوتولش اولدینی ورم انحطاط ، دین اسلامک
خصم اعتلا وعدو ارتقا اولمسندن ایلری کلیور .
تعصب اسلامیک راہزن صعود بولمسندن نشئت
ایدیور .

زمام افکار مزک آوروپا و آمریقاییلرک دست
تسخیرلرینہ کچمش بولمنسہ باقیلہ جق اولورسہ
بر آمریقاییلرک آغزندن چیقان بوسوزلرک
محیط مزده اجرا ایده جکی تأثیراتہ سجرہ (موسی

ص . ع) ده حسد ایدر ظننہ ایم . ملاقاتی اجرا
ایدن احمد جودت بک افندیکن اوسوزلری
نصل بر احتساس قلبی ایله دکلہ مش اولدیغی
کشف ایتک یا کرامت ، یا کھانتہ محتاج . بن
ایسہ هر ایکسندن ده بغداد و بصرہ قدر اوزاق
بولندیغمندن استیوردمکہ خریطہ فکریہ سنی ینہ
کندی جریده رسمیه سنده چیژلش بولسون .
جواب اولہرق «لا» می ؟ یوقسہ «نعم» می ؟
دیدیکنی بر اسلام محبی ، اسلام محرری اولمق
اعتباریلہ بیلدیرمش اولسون . صاغ اولسون
وار اولسونکہ ایکنجی ملاقاتیلہ ویرمش اولدینی
جوابلری یازدی ، بیلدیردی . ینہ بزم هوامزلہ
تا آمریقادن کلن بوصدا قولاقلری میز چینلاتملی ،
علمامن ، فضلامن اوزرنده تصور اسرافیل
تأثیرنی اجرا ایتلیدر .

آرتق مسلمانانی بالکز تسبیح جکمکدن
عبارت ظن ایتاملی ، فضل وکالی صارقہ جبهدن
ویاخود فسله بالطودن عبارت بیلیمیلیدر .
دیندار اودرک : حقایق دینیہ سنی لایقہ بیلور
و عمل ایدر . بالکز بیلیمک و عمل ایتک ده کافی
دکل بیلدیرمک لازم ، آکلاتمی واجبدر .

کچه عالمیز وار فقط خدمتبری یوق ،
فاضلیمز وار فقط همتبری یوق . مقتدرلریمز
وار فقط منافع دینی برایش فواید دنیویه
آرقه‌سند قوشیور ، ممتازلریمز وار فقط کندی
مسکنی اونوتمش مسلك آخر سالکی بولنیور .
دینه ، مسلك خدمت ایده جك عالمیری ، فاضلیری
یکدن بولقی لازم کلیور ، یکدن یتیشدیرمک
ایجاب ایدیور . اوده بوعظالته ، بوباطالته اولمز .
تدریساتی و کتب تدریسیه‌نی تجدید و تنقیح ایتلیدر .
طلبة علومك درد احتیاجنه دوا سازاوملی
و فقط بویه سربست بر اقاملی اخلاقیاته ،
اجتماعیاته نظارت و اعتنا ایللی و مدارسک سکنی
جهتی تحت نظام و انتظامه آلمیدر .

حل حاضری اعتباریه مدارسک سکنی
جهتده اولان بطاقلی آغستوس اینک صیقاقری
بیله قولای قولای قورونه‌ماز . بواحوال ، بو
شرائط ایچنده عالم یتیشدیرمک ، فاضله نائل اولقی
اولوبی دیرلیمک قدر کوچدر . دیریلور اما بر
عیسی لازمدر . فقط هانیا نزده اوعیسی !

مدرسّه

اسلامی یا کلمه تلفی ایتیم

بر وقتدنبیریدر اسلامانی یا کلمش تاقی
ایدنلر کوریلور اسلامیتک یالکز بر امر
وجدانی دن عبارت اولدیفه دأر افواجدیده‌دن
سسلر ایشیدیلور کذلک اسلام ساده نماز
قلمق ، اوروج طوتمق ، دعا ایتک الخ کی
عبادتلردر ظنده بولنانلر وار خایر اسلام ساده

فاضل اودرکه : فضائل انسانیه‌نی جامع
اولور ، عالم اودرکه : دقایق فیه‌نی دماغنه
صیغیرر . بوکون احکام اسلامیه‌نک مانع سعادت
موجب فلاکت صایلمسی هم صایانلرک ، هم‌ده
صایدیرانلرک جهالتلرندن بشقه بر شیدن تولد
ایتمیور . نیچون اعتراف ایتیمه‌لیمک بوقباحت ،
بوقصور صایانلردن زیاده صایدیرانلرده‌در .
فقط صایدیرانلر کیم ؟

شبهه‌سز علمای دینز ، فضالای مذهب‌مزدور .
برعالمز چیقوبده دقایق دینه‌مزی تشریح ایتمیور ،
ایده‌میور . بر فضامز قالدوبده حقایق دینه‌مزی
تدقیق ایتمیور ، پایه‌میور . ظنونی دافع ، شکوکی
رافع بر کتاب یازمیور ، یازمه‌میور .

ایسته بو یوزدنده احکام اسلامیه عدو
ارتقا ، خصم اعتلا ظن اولنیور . بیلیم‌ورلرکه
مبارک طوبراغمز فصل بکری بوزولماش بر
عروس معادن ایسه مقدس دینزده چهره سعادت
نماسندن پرده جهالت قالدیرلماش اویله بر عروس
دفائن ، عین اعتلا ، روح ارتقادر . فقط
چالشمق ، اومعادنی ، بودفانی کشف ایتک ،
میدانه چیتارمق ، ساحه علانیه قویمق لازم .
تا که سعادت ، سلامت یوز کوسترسون ، ظنون
وشکوک اورته‌دن قالقسون ، های وهوی جدال ،
قیل وقال نزاع یدی‌قات [۱] یرک دینه‌کچسون
بو وارلنی ، بوغیرتی کیم کوستره‌جک ؟ . یسه
شبهه‌سز علما‌مز ، فضلامز . فقط بویه عالمزه
آز مالکز یا خود هیچ مالک دکاز .

ضرب مثل اوله‌رق سولیلورز بزی بو اعتقادده
اعتقاد ایدنلر صاقین آلدائمولر .